

**BOSNA I HERCEGOVINA
FEDERACIJA BOSNE I
HERCEGOVINE
KANTON SARAJEVO
SKUPŠTINA KANTONA**

Predsjedavajući Skupštine Kantona Sarajevo

Na osnovu člana 211. i člana 212. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst, 15/13, 47/13, 47/15 48/48/16, 9/20, 14/20, 16/22 i 17/22-ispravka i 47/24), postavljam:

ZASTUPNIČKO PITANJE

Upućeno ministrici za odgoj i obrazovanje Kantona Sarajevo, Hota - Muminović

Poštovana ministrice,

U Petoj gimnaziji sportski smjer postoji od 1998. godine, a do školske 2023/2024. redovno su se realizovale sve planirane aktivnosti koje su sastavni dio ovog programa. Međutim, tokom školske 2023/2024. godine, iako je ski-centar imao dovoljan broj dana pogodnih za izvođenje nastave skijanja, uprava škole nije organizovala ovu aktivnost, uprkos činjenici da su po prvi put bila doznačena i finansijska sredstva namijenjena upravo za tu svrhu.

Važno je napomenuti da se uprava škole, prilikom normiranja aktivnosti skijanja i plivanja, pozivala na saglasnosti Ministarstva odgoja i obrazovanja Kantona Sarajevo (MONKS), ali ih nije primjenjivala u skladu s njihovim sadržajem. Naime, profesorima je, uz redovnih 20 časova sedmično, dodatno uključivano i skijanje i plivanje, čime je ukupan fond iznosio 24 časa sedmično, što je u suprotnosti s pedagoškim standardima.

Po završetku školske 2023/2024. godine, u pripremi za školsku 2024/2025., održan je sastanak s direktoricom škole, na kojem je ponovo predložen model 40-satne radne sedmice po istom principu kao i prethodne godine. Aktiv nastavnika tjelesnog odgoja (Aktiv sporta) odbio je takav prijedlog jer se u drugim školama Kantona već primjenjivao model u kojem su aktivnosti skijanja i plivanja integrisane u nastavnu normu. Na izneseni stav direktorica je odgovorila da “može samo tako ili nikako”.

Dana 4. septembra 2024. Aktiv sporta se obratio Institutu za razvoj preduniverzitetskog obrazovanja i MONKS-u, ukazujući na to da aktivnosti skijanja i plivanja nisu obuhvaćene 40-satnom radnom

sedmicom. Institut je odgovorio da nije nadležan za kreiranje 40-satne sedmice, dok odgovor od MONKS-a nije dostavljen.

Konačno, 11. novembra 2025. godine školi je dostavljen dokument MONKS-a kojim se jasno potvrđuje da su aktivnosti skijanja i plivanja integralni dio nastavnog procesa.

S obzirom na sve navedeno, postavlja se pitanje odgovornosti uprave škole, koja je svojim postupcima i nepostupanjem onemogućili realizaciju nastavnih aktivnosti propisanih planom i programom. Na taj način su učenici, naročito trećih razreda sportskog smjera, nenadoknadivo oštećeni, budući da im nije omogućena potpuna realizacija nastavnog programa.

Ko će i na koji način snositi odgovornost za propuste u organizaciji nastavnih sportskih aktivnosti u Petoj gimnaziji, čime je učenicima sportskog smjera uskraćena realizacija obaveznih sadržaja i doveden u pitanje regularan završetak obrazovanja u skladu s važećim nastavnim planom i programom?

Ljubazno Vas molim da mi odgovor dostavi u pisanom obliku.

S poštovanjem,

PREDSJEDNIK KLUBA
ZASTUPNIKA STRANKE ZA BIH

14.11.2025. godine